


Iroun Beretitenti
Henry-B. Eyring

Moan Kauntira n te
Moan Beretitentii



Tibwauakin te Euangkerio man te Nano nakon te Nano

Te Atua e a tia ana baire ibukiia aomata aika tauraoi ni butimwaea te euangkerio bwa a na kawaraki irouia Ana toro aika tauraoi n tibwauaa te euangkerio. Ko a tia ni karekea anne inanon maium. Ae kakira aron rikina e a bon nakon aron katauraoan am iango ao nanom.

Iai raraou ae e tatataro ni katoabong bwa te rana ngke e kaitiboaki ma temanna ae tauraoi ni butimwaea te euangkerio. E uouota kaobiin ana Boki Moomon. Te bongina imwaain te mwananga ae uarereke, e tia ni baireia bwa e na aki uota ana Booki Moomon ma e na onea mwiina ni uota te kaati ae e na kona ni bwaatinaki. Ma ngke e a tauraoi ni mwananga, ao e roko irouna ana namakin te tamnei nakoina bwa e na riai ni: "Uota ana Boki Moomon." E karina teuana inanon ana baeki.

Ngke e a mananga nako ao e tekateka irarikin te aine ae e kina ngke e tekateka irakina, e miiakinna, "Bon ngaia aio te aomata ae N na tibwa te euangkerio nakoina?" E a manga tekateka naba ma ngaia iaon kawaia n oki. E iangoia, "N na kanga ni uota taekan te euangkerio?"

N onea mwiina, neierei e taku nakoina, "Ko kaka-bwakaa am kabwianibwai nakon am ekaretia, ngaia

anne?" E taku teuae e kakabwaka. E taku neierei eng e riai ni kabwakaa ana kabwianibwai nakon ana ekaretia ma e aki. Imwiina e titiraki, "Tera ae ko kona n tuangai ibukin ana Boki Moomon?"

E kamataata bwa bon te boki ae tabu, bon te kakaoua teuana ibukin Iesu Kristo, are rairaki iroun te Burabeti Iotebwa Timiti. E taraa n ae iai nanona ni kan ongora, ai ngaia are e karina baina inanon ana baeki ao n taku, "I bon tuangaki bwa N na uota te boki aei. I taku bwa bon ibukim."

E waaki ni warekia. Ngke a nang maenako, e taku neierei, "Ngkoe ao ngai ti na karekea riki ara maroroo ibukin aio."

Tera ae e aki kona n ataia raraou—ma te Atua e ataia—bwa neierei e kakaea ana aaro. Te Atua e ataia bwa e a tia n taratara raraou ao man miiakinna bwa bukin tera ana ekaretia e karika teuae bwa e rangi ni kukurei. Te Atua e ataia bwa e na bon titiraki ibukin ana Boki Moomon n te aro bwa e na kukurei n rei-reinaki irouia mitinare. E a bon tauraoi. Ai aron naba raraou. Ngkoe ao ngai ti kona naba n tauraoi.

Te katauraoi ae ti kainnanoia bon inanon ara iango ao nanora. Te aine aio e atia n ongo ao n uringii taea ibukin ana Boki Moomon, ana Ekaretia te Uea ae

kaokaki, ao te tua ibukin kabwakakin kabwianibwai nakon te Atua. Ao e a tia n namakina moani kakoauaan te koaua inanona.

Te Uea e a tia n taku bwa E na kaota te koaua nakon ara iango ao nanora iroun te Tamnei ae Rairoi (taraa D&C 8:2). Angiia aomata ake kona kaitibo ma ngaia a tia ni karekea moanakin te katauraoi anne. A tia n ongo ke ni wareka rongorongan te Atua ao Ana taeka. Ma ngkana nanoia e aki matoatoa raoi, ao ikanne are a kona iai ni bwaka, mae engae n anne ao a bon tia n namakinna, n te aro ae uarereke kamatoaan te koaua.

Te aine e a bon tauraoi raoi. Ai aron naba raraou, are ibukiia Aomata aika Itiaki ni Boong aika Kaitira are e a tia ni kamatebwaia ana Boki Moomon. E a tia n namakina te kakoaua ae bon koaua, ao e kinaa te kairiiri mai iroun te Tamnei bwa e na uota te kaobi. E bon katauraoi man ana iango ao nanona.

Te Atua e katauraoiia aomata bwa ana karekea am kakoaua ibukin te koaua are e kaokaki. E tangira am onimaki ao imwiina am mwakuri n tibwaia n akea te maaku bwa tera te bwai ae rangi ni kakaawaki nakoim a nakoia ake ko tangiriia.

Tauraoi n tibwauua ni kanoakin am iango ni katoabong ma koauan te euangkerio. Ngkai ko kawakinii tuua ao ni karinea am berita aika a tabu, ko na namakina ana kakoaua te Tamnei ao riki ana tangira te Tia Kamaii ibukim ao te koraki ake ko kaitibo ma ngaia.

Ngkana ko karaoa mwiokoam, ko na rikirake ni karekea te taneiai ae tamaroa ni kaitiboom ma aomata ake a tauraoi n ongora am kakoaua ibukin te koaua—are ko bon anganako mai nanom nako nanoia.

REIREI MAN TE RONGORONGO AEI

Iangoa warekan te rongorongo ma te utu ao maroroakina are imwiina nakon te kabanea ni barakarabe, ike Beretitenti Eyring e maroroakinii kawai ni

kakorakora ana kakoaua temanna. Maroroakinii ma te utu kakaawakin kaotakin te kakoaua ngkana e tibwauaaki te euangkerio. Naati inanon te utu a na kona n ibuobuoki ni karaoia bwa kanga te kaotioti n aron kaotan te kakoaua nakoia raoraoia.

RORONRIKIRAKE

Ataakina bwa tera Ae e na Taekinaki

Ngkana ko namakinna bwa e aki rangi n tau am atatai ibukin te euangkerio n tibwauaia ma tabeman, namakina te rau inanon berita aikai man booki aika tabu:

Te Uea e taku bwa ti na tabeka bwanaara nakon te aomata aio ao n taekinii iango ake e na katikui inanora, ao ti na aki kamwaningaaki imataia aomata;

Bwa terana are ti na taekinna ti na anganaki n te aoa naba arei ao te tai naba arei (taraa D&C 100:5–6).

"Te Tia Karaunano, are te Tamnei ae Rairoi, are E na kanakoa te Tama n arau, E na reireingkami bwaai ni kabane, ao E na kaururing i nanomi bwaai ni kabane ake I atongi nakoimi" (Ioane 14:26).

Aikai berita aika korakora, ma karekea iroum, ti riai ni karaoa mwiokoara. Inanon te rongorongo aei, Beretitenti Eyring e reireiniira bwa ti na kangaa ni "Katauraoi ao n tibwaua [te euangkerio] man kaonrakean ara iango ni katoabong ma koaua man te euangkerio." Tera ae ko kona ni karaoia ni kaonrakea am iango ma koaua man te euangkerio?

ATAEI

Tauraoi n Tibwauaia

Beretitenti Eyring e taku bwa te kawai ae kakaawaki n tibwauan te euangkerio bon man kaonrakean ara iango ma koaua man te euangkerio. Tera bwaai tabeua ae ko kona ni karaoia ao n tauraoi n tibwauaia?



Onimaki, Utu, Buoka

Kainnano aika Onoti ao Mwakuri n ibuobuoki ake a Karaoaki

Tataro muaaka ni kamatebwiaia te bwai n reirei aei, n arona de riai, marorokinna ma aine ake ko kawariia. Kabonganai titiraki bwa a na buokiko ni kakorakoraia aine ao ni karaoa te Bootaki n Aine bwa iteran maium ae kakaawaki.

Kainnanoia tabeman a bon ririki n taainako,” e taku Beretitenti Thomas S. Monson, “ao ngaira n tatabemaniira nako ti kona ni karaoa te bwai teuana ni buokiia tabeman . . . Tii ngkana ti mwakuri korakora ni buokiia tabeman n te aro are ti a mwaninga oin ara kaangaanga, e bon uarereke aana nakon maiura.”¹

Ngkai ngaira taan kaakawara te mweenga ti kona n namakina aron tangiraiia aine ake ti kaakawaria. Mwakuri n Ibuobuoki nakoia ake ti kaakawaria e na roko man ara tangira nakoia (taraa Ioane 13:34–35).

Ti na kangaa n ataa kainnanoia ara aine n tamneia ao n rabwataia bwa ti aonga ni karaoa ara mwakuri n ibuobuoki ngkana e kainanaki? Ngkai ngkami taani kaakawari mweenga, ti riai ni karekei kairiiri mai karawa ngkana ti tataro ibukiia ake ti kawariia.

Kateimatoaan ara reitaki ae tau ma ara aine e bon kakaawaki naba. Kaakawari ibon iroum, tatareboon, te koroboki ni kaunganano, i-meeri, n tekateka ma neienne, te kamoamoaaki ae nanonaki, ni kawariia n tain te taromauri, ni buokiia n tain aorakina ke kainanona ao mwakuri n ibuobuoki riki tabeua are e na buokiira ni kabane n tararuaira ao ni kakorakoraira imarenara.²

Taani kaakawara te mweenga a tuangaki bwa a na ribootina aron

maiua, kainnanoia aine aika onoti, ao te mwakuri n ibuobuoki are e karaoaki nakoia. Aekaki n ribooti aikai ao ara mwakuri n ibuobuoki nakoia ara aine e na buokiira ni kaotiira bwa taan iriira Jesu are bon ngaira.³

Man Koroboki aika tabu

Ioane 10:14–16; 3 Nibwaai 17:7, 9; Moronai 6:3–4

Man Ara Rongorongo ni Kawai

Te mwakuri n ibuobuoki nakoia tabeman e a tia n riki n te nano ni kaakawari n te mweenga. Rinanon te mwakuri n ibuobuoki ae teimatoa aio ti uota iai aron te akoi ao te ira-rao ae riaon ara kaakawari ni katoa namwakaina. Ao man ara tararua akanne a bon bane ni warekaki.

“Nanou ae korakora bwa N na butiia ara titita bwa ana katoka raramaia ibukin tangiraia n te tareboon ke te kaakawari are e kakaraoaki ni katoa kuata ke ni katoa namwakaina,” e taku Mary Ellen Smoot, te ka te 13 ni beretitenti ni kabuta n te Bootaki n Aine. E butiira bwa “ti na kabanei nanora ma ti aki n ti tangiriia.”⁴

Beretitenti Spencer W. Kimball (1895–1985) e reireinira, “E bon kakaawaki bwa ti na beku imare-nara inanon te abanuea” E atia bwa tiaki mwakuri n ibuobuoki ni kabane a na riki bwa mwakuri

n ibuobuoki aika korakora. “Angiina n tainako, ara mwakuri ni ibuobuoki a riki man te kaungaunga ae beebeete ke te angaanga . . . ibuobuoki ma mwakuri aika ti taneiai iai,” e taku, “ma ai mimitongira mwiina are e kona n riki . . . man mwakuri aika uarereke ma iai aaia!”⁵

BWAAI AIKA A NA TARAAKI

- Thomas S. Monson, “Tera ae I a tia ni Karaoa ibukin Temanna n te Bong aei?” *Riaona*, Nobembwa, 2009, 85.
- Taraa Aeniboki 2: *Babairean aron Kairan te Ekaretia* (2010), 9.5.1.
- Taraa Aeniboki 2, 9.5.4.
- Mary Ellen Smoot, inanon *Daughters in My Kingdom: The History and Work of Relief Society* (2011), 117.
- Teachings of Presidents of the Church: Spencer W. Kimball* (2006), 82.

Tera ae I Kona ni Karaopia?

- Ngai I kakaaea te kairi mai eta ibon irou ni kan ataia bwa N na kangaa ni kaeka kainnanoia aine n tatabemaniia nako n tamneia ao n rabwataia ake I mwiokoaki bwa N na tararuia?
- A na kangaa aine ake I tararuia n ataa bwa I tabeakinia ma aia utu?

Ibukin rongorongona riki tabeua, nakon reliefsociety.lds.org.